



# ՈՒՍԱԿՈՐԻՉ



ԿԵՂԵՑԻՆ ՏԱՆ ՄԷՋ



Բ. ՏԱՐԻ, ԹԻՄ 7, Յունիս 2019

ԳԱՆԱՏԱՅԻ ՀԱՅՈՑ ԹԵՄԻ ԱԶԳԱՅԻՆ ԱՌԱՋՆՈՐԴԱՐԱՆԻ ԿՐՕՆԱԿԱՆ ԱՄՍԱԹԵՐԹ

## ԱՌԱՋՆՈՐԴԻ ԽՕՍՔ

## ՀՈԳԵՒՈՐ ՄՏՈՐՈՒՄՆԵՐ

### ՉԵՆՔ ԿՐՆԱՐ ԵՐԿՈՒ ՏԵՐԵՐՈՒ ԾԱՌԱՅԵԼ



Հինգերորդ մահացու մեղքը ազահությունն է: Ազահությունը ապօրինի ցանկութեամբ երկրաւոր բարիքներ ձեռք բերելն է: Երկրաւոր բարիքները շատ են եւ տեսակաւոր, եւ այդ ամէնը ձեռք բերելու համար, ինչպէս օրինաւոր, նոյնպէս եւ ապօրինի ցանկութիւն գոյութիւն ունի: Այսպէս օրինակ թագաւորներ եւ երկիրներու ղեկավարներ կ'ուզեն իրենց իշխանութեան սահմանները ընդարձակել, նոր երկիրներու տիրանալ, հարստանալ: Վաճառականներ ու կալուածատէրեր կը ձգտին օր առ օր բազմացնել իրենց հարստութիւնն ու կալուածները: Համեստ արհեստաւորը հետամուտ է իր տունը, զգեստն ու զարդեղէնները ճոխացնել: Մինչեւ իսկ, ամենէն յետին աղքատը կ'աշխատի իր նիւթական վիճակը բարելաւել:

Բնական երեւոյթ է, որ ամէն մէկ արարած երկրաւոր բարիքներ ձեռք ձգելու փափաքը ունենայ, եւ որովհետեւ այդ ցանկութիւնը օրինաւորութեան սահմանի մէջ է՝ մեղք կամ ազահութիւն չէ: Սակայն, երբ մարդ օրինաւորութեան սահմանը անցնի եւ աստուածային պատուիրաններուն հակառակ գործէ, եւ աշխատի իր ընկերոջ ու նմանին ունեցումը տիրանալ ապօրինի միջոցով եւ կամ իր նմանին ֆասս հասցնելով, ինքնաբերաբար այդ ազահութեան մարմնաւորումն է: Ազահութիւնը առանց բացառութեան ամէն դասակարգի մէջ կրնայ ըլլալ: Ազահ մարդը ամէն բարի զգացում ու բարոյական սկզբունք կը զոհէ եւ միշտ պատրաստ է զոհել ցանկացած բարիք ձեռք ձգելու համար, որովհետեւ իրեն համար նիւթական հարստութիւնն է կարելորդ եւ անիկա իր պաշտելի չաստուածն է, որուն զիջեր-ցերեկ եւ անդադար կը ծառայէ եւ կ'երկրպագէ:

Մեր Տէրը Յիսուս Քրիստոս անոնց համար շատ պարզ ու յստակ կերպով կ'ըսէ. «**Չէ՛ք կրնար երկու տէրերու ծառայել՝ Աստուծոյ եւ մամոնային**»: «Մամոնա»ն ուրիշ բան չէ, եթէ ոչ՝ երկրաւոր հարստութիւն: Քրիստոս կը յորդորէ իւրաքանչիւր մարդու, որ «**գանձերդ դիզենք երկնքի մէջ եւ ո՛չ երկրի վրայ**», իսկ երկրաւոր մամոնան՝ հարստութիւնը ծառայեցնել բարիքի, բարի նպատակներու, եւ ո՛չ պաշտելու եւ երկրպագելու:

Ազահ է այն մարդը, որ իր ամբողջ ջանքը, ժամանակն ու մտածումը կը նուիրէ միայն հարստանալու, նոյնիսկ իր անձը կը զրկէ բնական հաճոյքներէն եւ վայելքներէն, որ Աստուած պարզեաւած է ամէնուն: Տակաւին ազահ մարդուն խիղճը հետզհետէ կոյր կը դառնայ, Աստուծոյ վախը իր սրտէն կը հեռանայ եւ մարդկային ամօթը եւս իր երեսէն ընդմիշտ կը վերանայ:

Ինչպէս սաղմոսերգուն կ'ըսէ. «**Օրհնեցէ՛ք ամէն գործ, որ Տիրոջ կը պատկանի, օրհնեցէ՛ք եւ բա՛րձր գնահատեցէք ամէն ժամանակ**»: Ազահ մարդուն համար բարոյական կամ կրօնական եւ երկնային բարիքներ արժէք չունին:

Նոր Կտակարանին մէջ կը տեսնենք, որ բոլոր ժամանակներու մեծագոյն մեղքը ազահութեան արդիւնք էր, երբ Յուդա Իսկարիոփտացին իր Տիրոջ՝ Վարդապետին երեսուն արծաթով մատնեց: Սակայն շատ ուշ տեսաւ ու զգաց տարբերութիւնը, երբ իր յաւիտենական ուսուցիչէն զրկուեցաւ, եւ իր ազահութեան արդիւնքը չվայելելով՝ անձնասպան եղաւ:

Հետեւաբար, եթէ մեր մէջ ազահութեան նուագագոյն նշոյլն անգամ կայ, հեռացնէ՛ք մեզմէ: Լաւ իմանանք, որ Յիսուս Քրիստոս մարդկութեան օրինակ ըլլալու համար, անապատի մէջ քառասնօրեայ պահեցողութեամբ յաղթեց Սատանայի չար փորձութեան եւ մեզի տուաւ շնորհքը՝ հեռանալու այդ մահացու մեղքէն:

Չմոռնա՛նք աստուածային յորդորը, թէ՛ «**Ուր որ ձեր գանձերն են, այնտեղ կ'ըլլան նաեւ ձեր սրտերը**»: Մի՛ մոռնաք, որ «**Չէ՛ք կրնար երկու տիրոջ ծառայել՝ Աստուծոյ եւ մամոնային**»: Ծառայեցէ՛ք ու երկրպագեցէ՛ք ՄԻԱԿ ԱՍՏՈՅ:

Բարգէն Արքեպիսկոպոս Չարեան



Յիսուս Ի՛նք մեզի յայտնեց, թէ Աստուած մարդասէր եւ ողորմած Հայր է, որ մեզ կը հրաւիրէ Իրեն դիմելու եւ հաւատքով ու վստահութեամբ աղօթելու՝ մեր բոլոր կարիքներուն համար:

Տակաւին, Յիսուս Ի՛նք էր որ մեզի սորվեցուց, թէ Աստուծոյ աչքին բոլորս ալ արժէքաւոր ու արժանաւոր որդիներ ենք՝ առանց սեռի կամ տեսակի կամ գոյնի տարբերութեան ու խտրութեան, թէ Աստուածային բիրբեղ, մաքուր, անշահախնդիր սէրն է մարդկային կեանքի առաջին ու միա՛կ կանոնը:

Այսօր Քրիստոս կը հրաւիրէ մեզ Իրէ՛ն երթալու եւ Իրէ՛ն հետեւելու. «**Եկէ՛ք ինձի Դուք բոլոր յոգնածներդ եւ ծանրաբեռնուածներդ, եւ ես ձեր հանգիստ պիտի պարգեւեմ...**»:

Յիսուս, Մե՛ծ Վարդապետը, կը հրաւիրէ մեզ Քալելու Իր Խօսքին լոյսի ճանապարհէն՝ օգնութեամբը Իր Հոգիին: «**Ան որ ինձի հետեւի խաւարին մեջէն պիտի չքալէ, այլ պիտի ունենայ կեանքի լոյսը...**»:

Յիսուսի ընկերակցութիւնը մեզի հետ, արծարծուած աղօթքին եւ եկեղեցոյ խորհուրդներուն ընդմէջէն, անհրաժեշտ ոյժն ու համարձակութիւնը կը ներշնչէ մեզի հետեւելու Իրեն եւ ապրելու կեանք մը ինչպէս որ Ի՛նք կ'ուզէ:

Հետեւինք մեր Տիրոջ ու Փրկիչին Յիսուս Քրիստոսի ուսուցումներուն ու կեանքին:





# ՈՒՍԱՌՈՐԻՉ

## ԽՈՐ ՎԻՐԱՊԷՆ Ս. ԷԶՄԻԱԾՆ

### ՀԱՒԱՏՔԻ ԼՈՅՍԻ ՏԱՐԱԾՈՒՄԸ



Ս. Գրիգոր Լուսավորչի Ելն ի Վիրապէն տօնը ոչ միայն մեր անցեալին պատկանող պատմական դէպքի մը քննութեան օրն է, այլև՝ մեր հաւատարմութեան և քրիստոնէական ուխտին ներհայեցողական ակնարկով նայելու օր է, Հայոց Առաքելական Ս. Եկեղեցիին հանդէպ մեր հաւատքը ամուր պահելու համար:

Ս. Գրիգոր Լուսավորչի Հայրապետ Քրիստոսի հանդէպ ունեցած իր հաւատքով ու աղօթքով կրցաւ տոկալ Խոր Վիրապի 14 տարիներու գրկանքներուն ու չարչարանքին: Քրիստոսի հաւատքով զօրացած, ան դարձաւ Հայաստան աշխարհը այլակերպող լուսազարդեալ գաւազանը, և այդ հաւատքն էր, որ անոր կարելիութիւն ընծայեց կարգաւորելու մեր Մայրենի Եկեղեցին՝ Առաքելական Ս. Եկեղեցին:

Ինչպէս Քրիստոսի լոյսը փարատեց այս աշխարհի խաւարը, նոյնպէս ալ Ս. Գրիգոր Լուսավորչի յաղթանակելով Խոր Վիրապի խաւարին՝ լոյս սփռեց Հայոց համայն աշխարհին: Ան Ս. Թադէոսի և Ս. Բարթողիմէոսի սկսած առաքելութեան կնիքը հանդիսացաւ, միննոյն ժամանակ, ինքը ևս, իր կարգին սկիզբ դրաւ նոր առաքելութեան մը, որ պիտի շարունակուէր մեր Ս. Թարգմանիչներու՝ Ս. Սահակի և Ս. Մեսրոպի միջոցով, և իր ներկայութիւնը պիտի հաստատէր Տէր Զօրի, Սարդարապատի և մինչև իսկ ներկայ մեր ժամանակներուն մէջ:

Ս. Գրիգոր խաւարի դէմ իր տարած յաղթանակով, ամբողջովին յեղաշրջեց Հայոց աշխարհն ու հայութեան նկարագիրը

Այսօր մենք ևս, որպէս ազգ և մարդկութիւն, կը գտնուինք հաւատքի պահպանման միևնոյն պայքարին մէջ: Ներկայ ժամանակներուն թշնամին՝ անտարբերութիւնն է, որ դէպի ետ կը մղէ մեր ժողովուրդը և կը կասեցնէ անոր յառաջխաղացքը դէպի Ս. Գրիգորի պատրաստած Լոյսի Բնակարանը՝ դէպի Եկեղեցին Հայոց:

Այսօր մենք պէտք է վերանորոգենք մեր հաւատքը, վերանորոգենք մեր հաւատարմութիւնն ու նուիրումը, երդուելով միշտ վառ պահել մեր եկեղեցոյ, ազգութեան ու ժողովուրդին սուրբ ճրագը:

Հետևաբար, այս տօնը ոչ միայն ոգեկոչման ու յիշեցումի առիթ է, այլև՝ մեր հաւատքի ճրագը վառ ու ճառագայթող պահելու ուխտի օր, որովհետև առանց այդ հաւատքի լոյսին՝ մեր կեանքը խաւարի մէջ կորսուելու ենթակայ կ'ըլլայ: Ձեր հաւատքը միշտ կանգուն և ուժեղ մնայ, իսկ ձեր հոգիները՝ լոյսի անկարօտ:

Թող Ս. Գրիգոր Լուսավորչի հաւատքի լոյսը միշտ անմար մնայ և յաւիտեանս տարածուի Հայոց աշխարհի մէջ:

Բարգէն Արքեպիսկոպոս



ՀՈՎԱՆԱԿՈՐՈՒԹԵԱՄ  
ԳԵՐԱՇՆՈՐԸ Տ. ԲԱԲԳԷՆ ԱՐԷ. ԶԱՐԵԱՆԻ  
ԱՌԱՋՆՈՐԴ  
ԳԱՆԱՏԱՅԻ ՀԱՅՈՑ ԹԵՄԻ

ԿԱԶՄԱԿԵՐՊՈՒԹԵԱՄ  
ՔՐԻՍՏՈՆԵԱԿԱՆ ԴԱՏԱԻԱՐԱԿՈՒԹԵԱՆ ԽՈՐՀՈՒՐԴԻ

## ՀԱՒԱՏՔ ԳՈՐԾԵՐՈՎ



ԵՐԻՏԱՍԱՐԴԱԿԱՆ ՀԱՄԱԽՄԲՈՒՄ  
Wesley Acres Բանակավայր  
1391 Wesley Acres Rd  
Bloomfield, ON K0K 1G0

7 - 9 ՅՈՒՆԻՍ, 2019 | ՄԱՍՆԱԿՑՈՒԹԵԱՆ ՍԱԿ՝ \$100

ԱԶԳԱՅԻՆ ԱՌԱՋՆՈՐԴԱՐԱՆ: (514) 856-1200  
ԼԱՌԱՆ: (450) 688-6795  
ՔՈՐՈՆԹՕ: (416) 493-8122  
ԳԵՄՊՐԻՃ: (647) 993-5407  
ՎԱՆԳՈՒԿԸՐ: (604) 626-9627  
ՄՈՆԹՐԷԱՆ: (514) 331-5445 X202  
PRELACY@ARMENIANPRELACY.CA



### ՏՕՆ ԿԱԹՈՒՂԻԿԷ Ս. ԷԶՄԻԱԾՆԻ

Հայց. Առաքելական Ս. Եկեղեցին Ս. Էջմիածինին նուիրում երկու տօն ունի, «Տօն Կաթողիկէ Ս. Էջմիածնի» և «Տօն Շողակաթի Սրբոյ Էջմիածնի, ըստ տեսլեան Սրբոյն Գրիգորի Լուսավորչին»: Այս երկու տօներն ալ կապուած են Ս. Գրիգոր Լուսավորչի տեսիլքին, ուր երկինքէն շող կը կաթի և Միածինը, ձեռքը ոսկիէ մուրճ մը բռնած՝ Տրդատ թագաւորի արքունիքի դրան առջև կը քանդակէ Էջմիածնի պատկերը:

«Կաթողիկէ Ս. Էջմիածնի» տօնը այս տեսիլքին տօնն է, իսկ «Շողակաթի» տօնը՝ տեսիլքին հիման վրայ կառուցուած Ս. Էջմիածին Մայր Տաճարի Նաակատիքը, այլ խօսքով օժման տարեդարձը:

Հստ աւանդութեան, Ս. Էջմիածին Մայր Տաճարի օժուճը կատարուած է 303 թուականին:





# ՌԻՍԱԲՈՐԻՉ

## ԵՐԻՏԱՍԱՐԴԱԿԱՆ



Բարձր Հովանավորութեամբ՝ Գերշ. Տ. Բարսեղ Արք. Գարեանի, Առաջնորդ, Գանատայի Հայոց Թեմի

# ԲԱՅ ԵՐԻՏԱՍԱՐԴԻ ՇԱԲԱԹ

Կազմակերպութեամբ՝ Գանատայի Հայոց Թեմի Երիտասարդական Բաժանմունքին, Հայ Երիտասարդի Հաբաթ, տեղի կ'ունենայ ամէն տարի, Յունիս ամսուայ մէջ: Վերոյ Հաբաթը կեդրոնացած է Հայ Երիտասարդին, որուն համար պատրաստուած է զանազան միջոցառումներ եւ աշխատանքներ, կազմակերպուած իր շրջանի եկեղեցոյ կողմէ: Յաւելեալ մանրամասնութեանց համար հեռաձայնել Ազգային Առաջնորդարան կամ ձեր շրջանի եկեղեցիներու:

| Կիրակի,<br>9 Յունիս<br>2019<br>Յոկթացքս<br>Ս. Եւ. Սևմահ<br>Պատարագի | Երկուցերեւոթ,<br>10 Յունիս<br>2019<br>8:00կ.ե.   | Երեքերեւոթ,<br>11 Յունիս<br>2019<br>8:00կ.ե.            | Չորեքերեւոթ,<br>12 Յունիս<br>2019<br>8:00կ.ե.                              | Հինգերեւոթ,<br>13 Յունիս<br>2019<br>8:00կ.ե.                | Ուրբաթ,<br>14 Յունիս<br>2019<br>8:00կ.ե.                        | Եւրեւոթ,<br>15 Յունիս<br>2019<br>8:00կ.ե.            | Կիրակի,<br>16 Յունիս<br>2019<br>Յոկթացքս<br>Ս. Եւ. Սևմահ<br>Պատարագի |
|---|--|---|--|---|---|--|--|
| ՍԿԻԶԲ<br>ՀԱՅ<br>ԵՐԻՏԱՍԱՐԴԻ<br>ՇՆՔԱԹԻՎԱՅ                             | ԽԱՂԱՂԿԱՆ<br>ԺԱՍՏԵՐԳՈՒԹԻՒՆ<br>+<br>ԿԼՈՐ<br>ՍԵՂԱՆ<br><br>«Երիտասարդիկ<br>Դժուարութիւնները» | ԽԱՂԱՂԿԱՆ<br>ԺԱՍՏԵՐԳՈՒԹԻՒՆ<br>+<br>ՖԻԼՄԻ<br>ՑՈՒՑԱՂՈՒԹԻՒՆ | ԽԱՂԱՂԿԱՆ<br>ԺԱՍՏԵՐԳՈՒԹԻՒՆ<br>+<br>ԱՍՈՒԼԻՍ<br><br>«Իսլամացած Հայը<br>Հայ է» | ԽԱՂԱՂԿԱՆ<br>ԺԱՍՏԵՐԳՈՒԹԻՒՆ<br>+<br>ԵՐԻՏԱՍԱՐԴԻ<br>ԵՆԵՍՓՈՒՄԱՆԸ | ԵՐԻՏԱՍԱՐԴԱԿԱՆ<br>ՊԱՏԱՐԱԳ<br>ԵՐԵՎԱՆԻ<br>ԵՐԻՏԱՍԱՐԴԻ<br>ՕՐՀՆՈՒԹԻՒՆ | ԵՐԻՏԱՍԱՐԴԱԿԱՆ<br>ԵՐԵՎԱՆԻ<br>ԵՐԻՏԱՍԱՐԴԻ<br>ՕՐՀՆՈՒԹԻՒՆ | ԵՐԻՏԱՍԱՐԴԻ<br>ՕՐՀՆՈՒԹԻՒՆ   |

Յաւելեալ մանրամասնութեանց համար դիմեցէ՛ք  
 Ազգային Առաջնորդարան - (514) 856-1200  
 Ս. Յակոբ Առաջնորդակիստ (Montreal) - (514) 331-5445  
 Ս. Գեորգ (Laval) - (450) 688-6795  
 Ս. Ալտուաձաֆին (Toronto) - (416) 493-8122  
 Ս. Նշաս (Cambridge) - (519) 242-3993  
 Ս. Գրիգոր Լուսաւորիչ (Vancouver) - (604) 626-9627

### ՀԵՏԵԻՅՆՔ ՄԵԶԻ



## ՆԵՐԿԱՅ ԴԱՐՈՒՄ ՄԷՋ ՄԱՐԴ ԱՐԱՐԱԾԻՆ ԴԻՄԱԿԱՅԱԾ ԴԺՈՒԱՐՈՒԹԻՒՆՆԵՐԸ



Մարդկութեան համար, ոչ մէկ դարաշրջան այսքան վտանգաւոր եւ գայթակղեցուցիչ եղած է, որքան քսանմէկերորդ դարը, որ կոչուած է գիտութեան եւ ճարտարարուեստի դար: Հաւանաբար եղած են ժամանակաշրջաններ, առաջին երեք դարերուն, երբ քրիստոնէութիւնը հալածուած էր եւ նորադարձ քրիստոնէաներ ահաւոր տանջանքներու եւ նահատակութեան դատապարտուած էին:

Մերօրեայ գիտութեան եւ յատկապէս ճարտարարուեստի նուաճումները, որոնք հնարուած են մարդկային ապրելակերպը դիւրացնելու, փոխանակ ազնուացնելու մարդոց հոգիներն ու միտքերը, մեզ կախեալ դարձուցած են իրենցմէ:

Այսօրուան ընկերային ցանցերը, գովազդներն ու ժամանցային ծրագիրները իրենց մէջ յատուկ թաքնուած ու քողակերծուած գաղափարներ ունին, որոնք կ'ազդեն մարդու գիտակցութեան վրայ, եւ

կանայ թէ ակամայ, զոհ կը դարձնեն անբարոյ եւ վաղանցուկ հաճոյքներու:

Անցեալի համեստ պայմաններուն մէջ շատ հեշտ էր կողմնորոշուիլը: Սակայն, չնաշխարհիկ այս դարուս, յեղյեղուկ դարձած է բարիի եւ չարի գիտակցութեան սահմանները՝ մարդս զրկելով կողմնորոշուելու ունակութենէ:

Հպարտութեամբ յաճախ կ'ըսենք.- «Մենք առաջին քրիստոնէայ ազգն ենք», եւ ճիշդ է որ այդպէս ենք, բայց այսօր մեզմէ շատեր անունով քրիստոնէայ են միայն, իսկ էութեամբ՝ հեթանոս:

Այսօրուան մեր կենցաղին որքան յարիւր է Յայտնութեան Գիրքի խօսքերը, երբ մեր Տէրը կ'ըսէ.- «Գիտեմ գործերդ, դուն ո'չ պաղ ես, ո'չ ալ տաք» (Յտ 3.14): Ոչ պաղ ըլլալ կը նշանակէ անունով քրիստոնէայ ըլլալ, իսկ ոչ տաք ըլլալ կը նշանակէ՝ քրիստոնէայ եկեղեցոյ անդամ ըլլալ, սակայն զուրկ աստուածային շնորհներէ: Ապա Տէրը կը շարունակէ ըսելով.- «Պէտք էր կամ պաղ ըլլայիր եւ կամ տաք: Սակայն դուն գաղջ ես, ուստի քեզ բերնէս դուրս պիտի փսխես» (Յտ 3.15-17):

Այսօր, բոլորիս ալ ձգտումն է բարօր կեանք մը ապրիլ, սակայն մեր Տէրը Յիսուս Քրիստոս մեզի կը յիշեցնէ ըսելով.- «Ինչ օգուտ, եթէ մարդ ամբողջ աշխարհը շահի, բայց իր կեանքը կորսնցնէ» (Մտ 16.26):

Հետևաբար, որպէս եզրակացութիւն, այս աշխարհը եւ իր բոլոր հնարարութիւնները պէտք է ծառայեն մեր անձերու բարոյական ընթացքի վերելքին եւ հոգիներու փրկութեան, այլապէս, պատրաստ ըլլանք լսելու Քրիստոսի խօսքը, որ կ'ըսէ՝ չեմ ճանչնար քեզ անպիտան ծառայ...:

Տարեւ Աւ. Քահանայ Սիբայէլեան





# ՈՒՍԱԻՈՐԻՉ

## ԴԱՍԵՐ՝ ՃՇՄԱՐԻՏ ՔՐԻՍՏՈՆԷԱԿԱՆ ԿԵԱՆՔ ԱՊՐԵԼՈՒ ՀԱՄԱՐ

### ՀԱՄԲԱՐՁԱԻ՝ ԲԱՅՑ ՄԵՁԻ ՀԵՏ Է



Հայց. Առաքելական Եկեղեցին հանդիսատրապէս տօնեց մեր Փրկչին Յիսուս Քրիստոսի Համբարձման յիշատակը: Տօն մը, որուն պատգամը անփոփոխ մնացած է և յաւերժօրէն անփոփոխ կը մնայ՝ Տիրոջ խոստումով և մեզի հետ մշտական ներկայութեամբ.- «Ես ահա միշտ ձեզի հետ պիտի ըլլամ, մինչև աշխարհի վախճանը»: (Մտ 28.20)

Քրիստոսի այս խոստումը փոխեց բովանդակ աշխարհը, քրիստոնէական աշխարհայացքն ու ըմբռնումը, որովհետև, դարեր շարունակ աշխարհի փոփոխութիւնը պայմանաւորուած եղած էր յարափոփոխութեամբ, սակայն համատարած փոփոխութիւններուն մէջ անփոփոխ մնաց միայն Քրիստոսի խոստումը, որ Հայրական շէշտով մը կ'ըսէ.- «Ես ձեզի հետ եմ մինչև աշխարհի վախճանը»:

Այս աշխարհի մէջ կողք-կողքի՝ միասին կ'ընթանան լոյսն ու խաւարը, թշնամութիւնն ու բարեկամութիւնը, յաճախ վարդերու մէջէն փուշեր՝ մեղրահամ թոյներ կը մատուցուին և գայլերու մորթերով գտնուկներ կը շրջագային մարդոց մէջ, այս բոլորին մէջ միայն Քրիստոսն է, որ վճռական կ'ըսէ.- «Ես ձեզի հետ եմ»: Փառաց Թագաւորը՝ մեր Տէրը Յիսուս Քրիստոս մեզի հետ է, մեր նեղութեան, ուրախութեան, սրտնեղութեան և կեանքի բոլոր հանգրուաններուն ընթացքին:

Քրիստոսի Համբարձումէն ետք այս պատգամը վերջ չունեցաւ, այլ ընդհակառակը՝ եկեղեցոյ կողմէ առաքելութեան վերածուեցաւ, որուն նպատակն է հոգիներու փրկութիւնը:

Քրիստոսի մեզի հետ ըլլալու խոստումը ընթացք կ'ենթադրէ, շարժում՝ մղում, իսկ հաւատքով ապրուած կեանքը ընթացք է, որուն թիրախը՝ փրկութիւնն է:

Ուրեմն, Քրիստոսի խոստումին արժանանալու համար հարկ է մեր կեանքի երթը ընթանանք հաւատքով, քաջ գիտնալով որ Ինք մեզի հետ է, կ'ուղղորդէ մեզ, հասնելու համար փառաց պսակին՝ փրկութեան:

Տաթև Ա. Քահանայ Միքայէլեան

## ՄԱՆԿԱՊԱՏԱՆԵԿԱՆ

### Ճայռի վրայ շինել փունը

Յիսուս երկու փուն շինողներուն պարմութիւնը պարմեց ժողովուրդին, եւ նշեց, որ անոնցմէ մէկը իր փունը շինեց ճայռի վրայ, իսկ միւսը՝ աւապի: Երբ փոթորիկ ելաւ, աւապի վրայ շինուած փունը փլաւ....:

Կարդա՛ Ղուկասի աւերարանին 6-րդ գլխու 46-49րդ համարները:  
Պարկերները բաղդարելով կրնան 10 տարբերութիւններ գրնել:

